

aus vberenstimmet / wie wol ers etwas ver-  
beißt/damits nicht jederman mercken solle.

Henset aber das nicht auff recht Teuf-  
felsche art/dem Doct. Luthers seeligen / seine  
wort / wider derselben flaren verstandt vnd  
Inhalt / verkeret / geschendet vnd gelestert ?  
Increpet te Deus, Satan, & sub pedibus su- Zech.3,8.  
is conterat citò. Der HEDDR schelte dich /  
du Satan/ ja der HEDDR schelte dich / vnd  
trete dich bald vnter seine Füsse. Vnd weiß  
ich / ja bin dessen gewiß / das kein Schuster /  
kein Schneider / ja kein Bauer in ganz Hol-  
stein und Dietmaren/der anders seine fünff  
Sinne hat / so tölpisch immer sein kan / der  
nicht verstehe/das der Wunsch D. Luthers/  
mit welchem er seine Bekantnis hat be-  
schlossen wollen / nicht gerichtet sey auff den  
Teuffel / vnd derselben betrüglich eingeben/  
Sondern einig vnd allein / auf die Bestän-  
digkeit / bey seiner bisshero vom Nachtmals  
geföhrtter Lehr / bey welcher ihne Christus  
erhalten wolle.

Aber diese Meister von hohen sinnen /  
weil ißnen eben diese D. Luthers beständig-  
keit/das gebrante herzenleid anthut/haben so  
viel Hirrns in ihren Kopff nicht/daß sie sol-  
ches verstünden. Aber sie wollens nicht ver-  
stehen/vnd mag D. Luther diese Kappen al-  
so